

Date Printed: 06/16/2009

JTS Box Number: IFES_79
Tab Number: 8
Document Title: Referendum 2000: Kwayisyetap potyoysket
omu Uganda
Document Date: 2000
Document Country: Uganda
Document Language: Kupsabiny
IFES ID: CE01926



REFERENDUM 2000: KWAYISYETAP POTYOYSHET OMU UGANDA



Referendum ku kiyi ne?

Referendum kukwayisyo nyewo nye cemakyini pikap koret, kule kwiyisyo kamukaywekwa kuporu kule, nto comuntoyi, angutese kasotoywontontenyo. Kwak yesicitilyo ntarasiri nyepo kasumet, cekweye piko ce rwoce ceyongin pikwa, kuwu, (members cepo parliament MPs). Nto omu referendum piko tokol tityo kupoyok kukwai ngolyontet nyewo.

Referendum 2000 kunye ngolole ne?

Ciruputye kitaput nyewo nyepo ntarasitinakap koretap Uganda, pikap koretap Uganda. Cemakutilyo kwicek ngityo kule potyoyisyo nyewune nye maciyitya cepatye koremwa.

Yesukwiyak, mwe ntarasitinak cokicityo kule, Referendum nyecepono ciyi kunyoo omu kenyit nyonyoye kutombo kwiyityoy kenyit nyo cekwaye pikap parliament ok president (kantoyintetap koret).

Omu arawetap muti ok oyeny 2000, Referendum nyemaciyisye kukoci pikap Uganda kukwai potyoyisye nyecame omu cu:

- Potyoyisye nyepo movement
- Potyoyisye nyepo lukosyek cecang
- Nto kapotyoyisyo nyepo pikap koret nyeyongin lukosyekap potyoyisye.

Luketap potyoyisye lukiyine?

Luketap potyoyisye, ku aret nyekwane pikap koret kantoyokwa ok patyoyisye. Lukosyekap potyoyisye alak kuce po democratia, nto alak kule kumacoto. Ntarasitinakap koret cokicitilyo kuce comu kule, rok piko kukwayi potyoyisye nyemiyi kweenutap democratia. Omu aranato, karakitoyi ntarasitap koretap Uganda kapurityap piko (democracy).

Potyoyisye nyepo movement kunye wune?

Om pantanyi cemiyi cepatye koretap Uganda potyoyisye nyepo movement Kantoyik kuce kwaye pikap koret ku come

pikwa coto. Omupikap Uganda ciyi tokol nyotinyo kenyisyek taman ok mut ok somok tinyo kanukaiwek kukwaysi angu ce comujini kuyoo cekwai, kukwiyi yisyo tokol nyepo kantoyik. Yekacome ciyi kule ayonyi amwenikei ok ce kakonukeyi puryo luket nyekicitap kule kwaye cepere kuyony kunyo kwone nyekakonukei.

Kwone kamukaiyuwek mule miny pikap koret cokwayisy, kupoye cek cengete ciimwa nyemuce kweek kantoyin nye tupon nto kanyemuyat.

Potyoyisyet nyepo movement nye yomoi pikap Uganda tokol, maponto comwe kule cemembers kucu nto "ce members kucu". Omu potyoysyetap movement kantoyik tokol cokicekwai omu yisyo tokol nyepo kasumeti yiye yisonutekap kasumeti, rwoce angu tilyo cekacirwokeo nye yeci ciruptye umle yongune nto wule kicekwawune kuyongine pikyi.

Potyoyisyet nyepo lukosyek cecang kanye kune?

Omu lukosyekap multi-party, kuwule miyi lukosyek cecwiyotini cemwenekei om ngalekap kwayisyel, lukosyek ceketye oyenyi ceyongini kasumetit. Comu ntarasitit kule, cii tokol tinyo kamukaiyuwek kutasi luket nyo kacam, nto katowu lukemwa nyesotyin kule muce kupatya koret tupon. Luket nyenomekei ok ngalek cepo patyoyisyo ku kiya nyewo nyepo kasotoywek cewooci cepo latik cenomekei ok ripatetap pesyantet, kapuitap piko ok patyoyisyetap koret nyetupon. Mite lukosyek alak cemuce kuke resyini mbo ngalek cewu ripotetap tungukap koret nto kakerektoyisyetap tunguk colekite sophonwokap piko (environmental issues).

Omu lukosyek cokeyitye oyenyi, pikwacepere sicekwai cek ceporu. Nto kantoik cokicekwai kasumet cocerwokei angutilyo kwayanik teco kuruptye wule yongintoi lukonoto.

Ponto kuparitya ngalek cekisaci kot ntel cetowu lukonoto ok piko ceki towu, piko cekikwai lukonoto, ok members cikwa. Mbo lukosyek cosotyin kule pere cimwenikei ok luket nyo patyoyisy ponto kuporu lokoiwok cikwa ceyongune.

Muce kulukosyek alak kwangocu cepo potyoisyet cemuce pikap Uganda kulwai omu potyoisyet nyepo democratia?

Ciruptye referandum nyepo koretap Uganda. Om 2000, akenge om nyepo somok om lukosyekap patyoisyet cemuce kusoty pikap koretap Uganda, angal totombo cingetonu kule agonu agonu nyemacekwai.

Poru ntarasitit nyokicitilyo nyocepatye Uganda kule, Macecamunta luket nyepo somok kutowukei nto kuwut kamwenisyetap potyoisyet yemanta makunam ntarasitit nyonomekei ok potyoisyet nyepo democratia.

Ntoye puryo macecom lukosyek oyeny ngityo kukwai piko cecome coto ku, movement nto lukosyekap multi-party.

Teputok cemune cemakumii Referendum?

Ngalek cemasukumii Referendum kuce, purye le nomekei ok kwaisyetap kantoyik. Nget kule ngolyontoni miy referendum 2000 nyemakyining kule kwayi luket nyemapatyoyis om koretap Uganda, purye kule akwai kantoyik celelaci. Macekwai cokwet nyapo piko comute musangunak cemakurwokei teputok cemacesily Referendum. Cesoming kule tili yitingung keni menget teputok cemacetap.

Ngo cemalwai Referendum?

Pikap koretap Uganda tokol cetinyo kenyisyok taman ok muti ok somok cepowinto kuwo torot cecemujini kule kukwais. Angucoto cecemujini kule kukwais, ponto kusilyokei yenunatokune kainengung kitaput nyo cesilye kei macomungu ntarasitit kule kwayisye.

**Nget kule
Yemesilyekei mekwaisyi
om Referendum**

Kiine nyewo nyenomekei ok piko copere sicekwaisye yemha silyokei?

Silyayatantenyo kukiya nyewo kosoromin kapoye yityoyi piko kwityocikei kwayisyontenyo. Konu cinget congintap piko cemii ateputiyo ajinget congintap piko cokwais omu posyet nyo kipo kwayisyet. poru mbo silyayatantenyo kule piko cokipo keryisyek cocomu ntarasitit cekwayis, kukere memuce kot ntel kucorisyo ciito kukwais aret oyeny. Silyayatet nyeporu kule kirot kwayisyet nyepuryo cii nyekicorisyo nto nyo kiyisyek kainetap anke.

Cesilyoykei line?

Omu orawetap Temam ok akenge omu keryitap 1999 kitapunak co kisilyekeyi piko cekicemarir yekimii kirwoket nyekipo kasoronok omu somwokwok, yoto yekicemece kule cinget cokipok, sicemutye kitapu, nto kaco kiwuu, cokitumungec kusilyokei cokimapikap koret cemutita kainakwa.

Cipori kule tyanin porointo nyopoco kimemuci kusilyokei om pesyosyocato takumece kusilyokei poru luket nyepo Electoral Commission, nto yekepere awaci uule kebere akwaysye mucu weci kupoye tacemiya ciyityocimikei ngolyontontenyi.

Yityocinikei line pikap Uganda ngolyontoni po Referendum?

Omu arawet nyomakukeri nyopo referendum, nyolyonyi nyewo nyemakyin pikap koretap, Uganda kunetikei nto keporicikei ngalek, cenomekei ok ngolyontoni po referendum nyenomekei.

Ok lukosyekap patyoyisyet cecwiyotin sanget kukoci kukwai cemacamu. kanetisyet nyenomekei ok ngalekap kwayisyet nyemakuporu lokoiwek cecang.

Lukosyek cecang makuporu ngicak ngalek cikwa cenome om posyok copo kamwenisyet. Mbo luketap movement nto ko-ake nyematowukei makuporukei tokol.

Rok koromim piko cokwayisy kulumunta tuponi, yecemiya cinekei sanget kukoci kunget le, ara luketap potyoyisyet angonu nyemakwai.

Omume ngolyo nyewo celwais om Referendum 2000?

Miyi ngalek cecongici cewoyeci cesece sicekwaisi. Kamukeiywekuk angu Camuntayatenguny. Kwayisyetap luket nyepere abatyoyisye om koretap Uganda nyemakutilyo kule macepatya koret kuline omu tayi. Kunyo ngolyontontenyi kunye mitowume cuule miyi citokol myapo Uganda. pouulo ok cii tokol kuwutekei kukonu kosotoiwontet nyenyi kupo le purye kacii akenye, macemece cemakkunguny tuni.

Kusiri kwaisyelap referendum kebyayi ntarasitap Uganda nyo patyoi koret. Nto ye sukwisi ntarasitap Uganda tupon kuye kakubyayi cii tokol cemiyi orit cekicitilyo.

Macekwaisi perene?

Omu kwayisyetap referendum, makwayisye piko kenitasinak cocewiriciri bokisit.

Poru yo kule memece kunget cii kule kekwayine. Yekacitilyo teputokap referendum, kuye ceyatya karatasinacato pokwayisyet. Macebyenti tunguk ceporu luket myokukonukei kule cekwai. Cemoce kule suporu koratasinacato lukosyeciteco sukukoci mbo conumasuman kanyet luket nyemoce akwayi. Piko centocin lukosyecato cemakunet piko kunyet wule ulunto kimwa nyemakwiyisye songet kunget kwayenekwa ye makwityo pesyosyok.

Ciporong kule, makwikei pesyosyotecu pesyosyok alak tokol cokupo kwaisyet cekikeitya. Omu posyonoto macemaci kule, cuto nyo kwaisyi ponto, kubyenti ewuti nto kentinyi nto kawat luket nyo mace.

Developed & Published by: The NGO Materials Development Committee for the Referendum 2000 (UWONET, ACFODE, UJCC, NOCEM), in collaboration with the Uganda Electoral Commission